

D. Plácido Álvarez Dobaño e D. José Miguel Caride Domínguez, na súa condición de portavoces do **Grupo Provincial do Partido Popular** e do **Grupo Provincial de Democracia Ourense**, respectivamente, na Deputación Provincial de Ourense, con base ao previsto nos artigos 91 e 97 do R.O.F., e de acordo á Lei de Bases Reguladora do Réxime Local e o Regulamento da Corporación, presentan a seguinte **MOCIÓN PARA ESIXIR A DEMISIÓN DO DEPUTADO RODRÍGUEZ VILLARINO POLOS SEUS ATAQUES A AUTÓNOMOS E PEMES DA PROVINCIA DE OURENSE, E O CESE DO SUBDELEGADO DO GOBERNO POLA SÚA FALTA DE TRANSPARENCIA E ACTUACIÓNS VICIADAS DE PARTIDISMO**, para o seu debate no pleno da corporación, tendo en conta os seguintes

ANTECEDENTES

PRIMEIRO.- A pandemia do COVID-19 provocou, a día de hoxe, 132 falecid@s na nosa provincia, unha situación dramática que fixo que o pleno da Corporación provincial, co voto a favor de tódolos grupos políticos, agás o grupo socialista, declarase o loito oficial en Ourense.

SEGUNDO.- Esta crise sanitaria derivou tamén nunha crise económica, especialmente para traballador@s autónom@s e pequenas e medianas empresas. O Goberno provincial constituíu o “Comité do Día despois” ao principio do estado de alarma para planificar a reactivación económica, da man do empresariado, dos autónomos... dos que crean riqueza e xeran emprego no territorio.

TERCEIRO.- O 29 de abril esta Corporación celebrou sesión extraordinaria e

aprobou, entre outras, axudas directas a autónom@s e pequenas e medianas empresas dos 91 concellos da provincia menores de 20.000 habitantes. Axudas para inxectar liquidez en momentos moi delicados, coa mínima burocracia e compatibles con calquera outra. O grupo socialista non votou a favor das mesmas. No debate correspondente o portavoz socialista non cuestionou a legalidade das mesmas.

CUARTO.- O portavoz do grupo socialista, especialmente durante estas difíciles semanas, fixo un novo exercicio de ruindade poñendo trabas a calquera medida do Goberno provincial, buscando sempre a maneira de torpedear ou boicotear calquera acción pensada sempre no interese xeral de Ourense, no seu territorio e nas veciñas e veciños da provincia.

O portavoz do grupo socialista asina o documento presentado con data 26 de marzo polo seu grupo, onde debulla “15 medidas para facer fronte aos efectos derivados da pandemia provocada polo SARS-COV-2 na provincia”. Nas catro follas que o integran non aparece a palabra “autónomo”, nen “empresa” por ningures.

QUINTO.- O portavoz socialista na Deputación tamén é portavoz socialista no Concello de Ourense. As trabas ás axudas aos autónomos da capital da provincia tamén son unha constante nas súas declaracións así como a actitude permanente de crítica as mesmas.

SEXTO. – Non sorprende a ninguén o comportamento e conducta do portavoz do grupo socialista. Trátase dunha liña coherente coa súa condición de REPROBADO

por esta Corporación provincial en sesión plenaria celebrada o 20 de decembro de 2019. O acordo unánime do Pleno di que a reprobación prodúcese “pola súa desprezable práctica política de manipulación, mentira e insulto”.

SÉPTIMO.- Os grupos asinantes amosamos o noso máximo respecto ao Partido Socialista, aos seus militantes e electores, pasados, presentes e futuros. Pero non podemos permitir no eido da política un talibanismo tan cruel, capaz de levar a unha errática deriva a estratexia dunha formación política.

Unha dirección que, por exemplo, leva a non comparecer nun dos debates máis importantes do ano nesta Corporación: “o debate sobre o estado da provincia”, unha irresponsabilidade que determina que os escanos baleiros do seu grupo supoñan tamén un abandono de funcións evidente e unha traizón a quen votou socialismo que queda sen representantes e sen voz nen propostas. Un erro maiúsculo.

Un Voceiro que fai que o seu grupo vote en contra dun acordo de idéntico texto aprobado unánimemente pola Federación Española de Municipios e Provincias. Un acordo que vai en contra dos intereses de tódolos concellos de Ourense, e polo tanto da veciñanza da provincia. Votar en contra de que os concellos da provincia utilicen a súa liquidez, os seus remanentes, en accións no seu territorio en beneficio das veciñas e veciños e que o Goberno de España non os expolie economicamente.

Votar en contra de Ourense, dos seus concellos. E agora atacar os intereses dos autónomos e das pemes da provincia. Unha nova dinámica en contra de Ourense, neste caso en contra dos protagonistas da reactivación económica, nos momentos

nos que máis precisan o apoio de todos, especialmente das administracións públicas.

Asemade, no pleno de maio pasado, o grupo socialista , seguindo as directrices do seu portavoz, votou en contra da constitución da “Comisión Ourense Futuro” para darlle voz nesta Deputación á sociedade civil no futuro da provincia. O único grupo que votou en contra. Os outros catro grupos A FAVOR. A favor da Comisión Ourense Futuro. A favor do Futuro de Ourense. O Voceiro socialista en contra. Sempre en contra de Ourense.

OITAVO.- A especial virulencia do portavoz socialista pareceu contaxiar durante todo este tempo determinadas actuacións do Subdelegado do Goberno na provincia de Ourense. Parece todo dar resposta a unha estratexia de utilización partidista das institucións do Estado por parte de quen entende a política como unha operación personalísima de trepar e medrar a costa de quen sexa, persoas ou a propia organización política na que milita, sementando xenreira fora e dentro das súas filas.

NOVENO.- Resulta paradóxico que unha das accións máis e mellor valoradas das postas en marcha polo executivo provincial durante este tempo (converter o pavillón Paco Paz en centro loxístico de atención, aparcamento, hixiene, descanso, manutención e desinfección do vehículo a transportistas e persoal esencial na loita contra o Covid 19) fora inspeccionada por enviados da Subdelegación e mesmo que determinados colectivos das forzas e corpos de seguridade do Estado foran advertidos de non utilizar eses servizos para evitar o éxito dos mesmos.

DÉCIMO.- O feito máis grave de toda esta burda obra foi a posta en marcha dunha revisión da legalidade das axudas a autónomos e pemes por parte da Subdelegación do Goberno. Axudas similares ás postas en marcha en todo o Estado por gobernos provinciais e concellos de tódolos signos políticos. Axudas semellantes ás dos concellos de A Coruña e de Lugo, por poñer exemplos cercanos, con alcaldes socialistas, e onde as subdelegacións do Goberno non están a revisar a legalidade das mesmas. Por que en Ourense si?

UNDÉCIMO.- A suposta subordinación de determinados cargos públicos ás equivocadas políticas “anti-Ourense” parece agochase detrás da falta de transparencia que, neste expediente, está a amosar o subdelegado do Goberno de Ourense. Non darnos o trámite de vista e audiencia, dada a condición de interesada desta Deputación... que oculta? Queremos coñecer os datos, os antecedentes, os escritos previos á petición do expediente de aprobación das axudas a autónomos e pemes da provincia. Quen está detrás, quen promoveu esta revisión da legalidade contra milleiros de ourensáns...Quen persegue que puideran devolver os cartos e marear a quen non merece contar con representantes políticos tan torticeiros e indignos. Non se pode xogar coa xente. Na política non vale todo.

DUODÉCIMO.- A provincia de Ourense, as veciñas e veciños, non se merecen representantes políticos tan sectarios que poñan en risco axudas tan necesarias por puro interese electoral ou control dunha organización política, traizonando a quen reivindica a nobleza e dignidade do exercicio da política. Estar en contra de Ourense, dos seus autónomos, dos seus emprendedores, das súas empresas é unha actitude que incapacita a calquera e define perfectamente a quen so pretende destruír.

En virtude do exposto, o Pleno da Corporación Provincial de Ourense **ACORDA:**

1.- Esixir a demisión como deputado provincial e como concelleiro no Concello da Ourense do portavoz do grupo socialista, Rafael Rodríguez Villarino, xa reprobado por este pleno en decembro de 2019, pola súa actitude destrutiva, especialmente contra os autónomos e pemes da provincia de Ourense.


2.- Solicitar ao Goberno de España o cese do subdelegado do Goberno en Ourense pola súa falla de transparencia e ocultación de documentación no expediente que cuestiona as axudas a autónomos e pemes, aprobadas polo Pleno desta Deputación Provincial.

3.- Dar traslado deste acordo ao presidente do Goberno de España; aos alcaldes e alcaldesas de todos os concellos da provincia de Ourense; ao presidente da FEMP, ao presidente da FEGAMP, aos president@s das Confederacións Empresariais de España, de Galicia e de Ourense; aos/ás president@s das organizacións de autónomos a nivel nacional, autonómico e provincial; a tódalas asociacións empresariais de Ourense, tanto a nivel provincial, comarcal, como local de calquera dos 92 concellos de Ourense.”

Ourense, 15 de xuño de 2020

D. Plácido Álvarez Dobaño.

D. José Miguel Caride Domínguez.



A/A. SR. PRESIDENTE DA DIPUTACIÓN PROVINCIAL DE OURENSE